

ME HYE ASE WƆ NYANKOPƆN NE DZIN MU, ƆDOMFO, MBOBORHUFO NO.

Fida Nyamesemka: Ɔbese 18, 2013.

(Friday sermon – 18th October, 2013 – Fante Translation)

SU MAPA A ALLAH NO NKOWAA NOKWARFO WƆDE WONYA.

Na ka kyere Mo nkowaa no de wonka dza odzi mu mapa. Osi pi de Satan Kenyan nkusunkusu wo hon ntamu. Osi pi de, Satan ye otamfo a oda edzi ma nyimpa [\(17:54\)](#).

Dem nyiyimu yi, dza oka pɛpɛɛɛ nye de Nyankopon N'asem a Ɔdze ma nyimpa nye ebeka dza odzi mu mapa, na asem a odzi mu mapa nye dza Nyankopon enyi gye ho. Dem ntsi na kasapuruw “Mo nkowaa” wɔka no wo ha kyere de hon a wɔye Nyankopon No nkowaa anaade wɔrohwehwe aye Nyankopon No nkowaa no nnyi honara hon pɛ anaa dza wɔrohwehwe osiande wɔhwehwe eso wɔpɛ dza Nyankopon enyi gye ho. Dem asem yi w'akyere mu yie wo Surah Al-Baqarah de “Na se Mo nkowaa no bisa wo Moho asem a, ka de Me ben. Me ma ofrefo no nkotosere ho mbuae se osu fre Me a. dem ntsi hom ntsie Me na wongye Me ndzi ama woedzi kwan tsenenee no ekyir [\(2:187\)](#).

Anohoba Mesia (ANN) no akyerɛ kasafua “Ebaadi” (Mo nkowaa) mu de: Hon a wɔgye Allah Ɔsorsornyi No na Nkɔmhyenyi Krɔnkrɔn (NNN) dzi no, woyinom nye nkorɔfo no a wɔye Ebaadi ma dem ntsi wɔben Nyankopon no; na hon a wɔnngye nndzi no wɔnye Nyankopon ntamu war. Nyankopon de ansaana ebeye Nyankopon N'akowaa nokwarfo no, ɔwo de idzi Ne mbransɛm no do. Dem ndzeyee yi dze papa bodwir woe so wɔbɛgye wo mpaabo ato mu. Se Nyankopon si no pi de No nkowaa nka nsem a ɔso N'enyi a nna ohia gyedzi ne ntere mu na ɔrohwehwe ma onyia no n'asem na nye ne ndzeyee ako do. Obi nnkeye dza otsia Nyankopon Ne mbra na onntu nkorɔfo fo de wondzi Nyankopon na Ne Nkɔmhyenyi no ekyir. Nyankopon akyerɛ basabasaye a ɔwo kasa a yeka na hen ndzeyee de ɔye bon na oka si no pi de, “O hom a hom agye edzi! Ebenadze ntsi na hom ka dza hom nnye? Ɔye ekyiwadze kese wo Allah enyim de hom beka dza hom nnye” (61:3-4). Dem ntsi basabasaye a ɔwo asem na ndzeyee ye Nyankopon ekyiwadze kese, nokwar nye de, ɔye bon. de ebeka de ewo gyedzi na edandan no, no nnye no nsaa.

Anohoba Mesia (ANN) no kaa de: “Hom nye aso mma dza meka na hom nkaakaa no yie de se obi n'asem nnye nokwar a wɔdze dzi dwuma a ɔno onndzi mu”. Asem papa (ehsan) nye ehsan a Nyankopon akyerɛ mu; adze ɔma papaye petse na oyi bon akwa. Ankorankor nnkotum akyerɛ de wɔye agyedzifo ɔnam de basabasaye biara nnyi hon asem na hon ndzeyee ntsi. Mfatoho nye de obi a ɔnom nsa ne ndzeyee yennkotum aye bi ɔnam de ne nsem na ne ndzeyee dzi mu ntsi. Ndzemba fi pii nam fahodzi mu rokɔ do wo TV na abeefo mfir a wɔfre no “internet” do. Ntar a ɔma nyimpa da adagyaw wɔye yikyere wo ho. Mbom dem ndzeyee yin ye ndzeyee na nsem ko do de mbre ose naaso ɔye ekyiwadze wo Nyankopon enyim. Nkorɔfo bi na mbrentse nya nka bi na wɔka de osimesi anaa obentsen yi dzi ne dwuma tɔtseen wo ber a nkakaawa biara nnyi mu. Ɔwo de yekaa de nkekaawa a onnyi dem ndzemba yi ho no nnkyere ndzeyeeɛpa, mbom otu ndzeyeeɛbon kafo na ɔtwe nyimpa fi

Nyankopɔn ho. Mbanyin na mbasiafo wɔ de wɔtwe hɔnho fi dem tsebea yi ho na wɔye asɔr frefre: “kyere hen kwan tsenenee no” (1:6) na yeye asɔr so pam Satan kɔ ekyirekyir na yehwehwe dza Nyankopɔn ahye hen. Hom nhwehwe ehsan no a Nyankopɔn nam do kyerekyerere hen N’akwan no a yedze bebɛn No no. Nyankopɔn Ne mbransɛm no, ɔwɔ de yehwehwe ama mbre ehsan tse na dza ɔnnye ehsan yeatse ase ma wɔdze hen aka hɔn a Nyankopɔn afre hɔn “Me nkowaa” na Ɔdze nsempa no a Ɔagye ato mu no ama hɔn no.

Asodzi kesenara da Ahmadiyyafo do wɔ dem mber yi mu na y’esua de yebeye hen nsem na hen ndzeyee de mbre ɔnye no ɔbeyee de ehsan wɔ Nyankopɔn enyim, yebema hen nsem na hen ndzeyee aye tɔtseen na yeakɔ Kuran mu akɔhwhwehwe ndzemba a ɔfa no ehsan ho de mbre yebohu ehsan na dza ɔnnye ehsan na ɔaka akyere hen dza yeye a yebenya Nyankopɔn Ne mbenee na dza ɔɔtwehwe N’ebufuwhyew.

Ber a ɔrekasa fa nsem bi a Kuran Krɔnkrɔn ka no, Hadhrat Khalifatul Masih kaa de Nyankopɔn si no pi kyere Muslimfo wɔ Kuran mu de “Hom nye nkorɔfo a wɔasan mu eyi ho mama adasa hɔn yieye; kyere dza oyie na yi bɔn akwa nag ye Allah dzi” (3:111). Nyankopɔn afre No nkowaa anaade hɔn a wɔwɔ Ebaadur Rahman (Nyankopɔn Ɔdomfo no No nkowaa) de nkorɔfo a wodzi mu kyen nyimpa nyinara osiande wosuo ehsan mu dzen de mbre ɔnye hɔn nsem na ndzeyee kɔ do a ɔnam Nyankopɔn Ne mbransɛm do. Wɔkyerekyerere ndzeyee pa na de wɔbeyee hɔnara hɔn apɛdze no, wɔkyerekyerere dza Nyankopɔn ahye hɔn de wɔnye. Wɔfre hɔn nkorɔfo a wodzi mu osiande hɔnara woyi bɔn akwa eso wotu nkorɔfo fo de wɔnye demara ama woeyi Nyankopɔn N’ebufuwhyew akwa. Wɔsan so fre hɔn nkorɔfo a wodzi mu osiande hɔn gyedzi yedzen na wɔwɔ gyedzi de Nyankopɔn N’enyi tsim biribiara do. Wɔgye to mu de wiadze etumfo (nkorɔfo a wɔwɔ tum nkotum dze hen ehiadze ama hen, mbom Wiadze nyinara Wura no nye Nyia Otsie mpaabo). Ɔwɔ de yeka kyere wiadze de mudzi (dza ɔkye) nye de ebeye setsie na etsena dza Nyankopɔn ahye wo no mu.

Nyankopɔn kɔ do kyere ehsan ase si no pi de: “Na hɔn a wonndzi dasewea, na se wɔpa egyangyandze biara ho a, wɔpa ho wɔ enyimnyam mu” (25:73). Yehu no ha de ndzemba ebien na wɔabra hen; dasewea na egyangyandze. Se ɔtse demara mpo a, wɔabra dasewea. Wɔaka no wɔ Kuran Krɔnkrɔn ne beebi de ɔwɔ de yeka nokwar no; se otsia henara henho mpo a anaa hɔn awofo, anaa hɔn a wɔda hen akoma ho mpo a. Dem mpenpendo yi na wɔdze ato ho ama nokwardzi a wobohu no de ɔye ehsan a ɔtwehweobi ben Nyankopɔn, dza ɔboa ma ahotsewee ti kafo na ɔma wɔkɛka Nyankopɔn No nkowaa anokwarfo no ho.

Nyankopɔn si no pi de: “O hom a wɔagye edzi! Hom nsuro Allah na hom nka nsem papa” (33:71). Ɔkyere de ka asem a osi kwaa na ɔye tɔtseen. Iyi nye nokwardzi ne mpenpendo a ɔye ehsan a Nyankopɔn ahye de yenye. Mbom, se yetaa kyekye hwe a yennhu dem nokwardzi ne mpenpendo yi. Anamɔn biara a yetu no pesemankonya ho akɔndɔ dzi hen fafranto. Hen mu baahen na yebedzi dase etsia henho, hen awofo na hɔn a yedɔ hɔn? eso yeatwe henho efi nsem a onnsi kwaa ho? Ɔye a ɔbeyee de henara hen yesu anaa dza hen adɔfo pe anaa hen enyigyedze behen hen mu ma yempe de yegye hen mfom to mu. De yebegye qawl-e-sadid (nokwar asem) ato mu no ye ehsan ho mbransɛm no no mu kor na Nyankopɔn hu ehsan de nokwardzi a nsem a osi pi nnyi ho no nye ɔno. Se dem ndzeyee yi kɔ do a fie na

asetsena mu nsemansaema behera ma onnkema asendzibea ehia ama nokwardzi ne mpenpendo aye okrabohwe wo awow ntoatodo a odzi hen enyim yi.

Woye no nhye de ebefi ehyiadzibea a nokwardzi nnyi ho onye bea a kasa potopotu na kasagyan ko do wo ho. Otofabi a hen ebusua ehyiadzi anaa henara hen ehyiadzi mu no, yeka nsem bi a oye potopotu eso oye fi wo ber a hen enyi nda ho, yekasa tsia Nazim (amambu) ho. Hadhrat Khalifatul Masih kaa de oaka no mpen pii de nsem a woka tsia edwuma mu banodzifo no wo de woma odu n'enyim, se dem nsem no ronko do wo asomba no mu a. Se dem nsem yi ko do wo ehyiadzi bea do a mfaso biara mba ho osiande se woka a omma nsesa biara mmba mbom odze basabasaye na akasakasa ba. Afei so mfonyin yikyere na ndwemtow hun na wodze ba internet na TV do. India mfonyin yikyere na ndwom binom kyere ntotosere fi abosom mbanyin na mbasiafo nkyen anaade woruhuhor hon a oyi Nyankopon Otumfo Kor no fi ho, anaade dem abosom yi woye hon de hon na wonam hon do twe ben Nyankopon. Dem ye Shirk (edze biribi fam Nyankopon ho som no).

Afei ndzeyee a onndzi mu eso oye fi no nna woka no wo Facebook mu, Twitter anaade nkombodzi adan mu a akasakasa si ho. mbrentse binom dze nsem a osi ho no kema Hadhrat Khalifatul Masih se woka ho ma wodzi dem dwuma no mpo a. Woka kasa bi a hon a wodzi hon ho nyi worempe de wobetsie mbasiaba na mbanyimba a wofi efiefi a wodzi mu ka dem dwumadzi no ho ma woda hon mberewe edzi. Oye ehiadze papaapa dze ma Ahmadiyyafo de wobotwe honho efi dem dwumadzi yi ho. Ahmadiyyafo wode wohwehwe ehsan mbre otse na wotu kafo wo ahotsewee mu.

Nyankopon akyere ehsan ndzeyee pii. De ebekyere ahotsewee kwan no, kyere de ibeyi bon akwa. Nyankopon si no pi de: “Na obiara wo ne botae a ohye no do, dem ntsi hom ndzi mbisese wo ndwuma pa mu” (2:149). Se hom bo mbodzen de wobema ahotsewee etu kafo a, nsem na ndzeyee nyina beye ehsan. Se hom bo mbodzen de wobotu ahotsewee mpon a, ampaara de wobekenyan hom ho de wobotu Satan Ne nhyedo egu. Yerebeye Nyamesemka yi ase no Kuran mu asem a yekankanee no sii no pi de... “Ampaara Satan ye tamfo a oda noho edzi kyere nyimpa” kasafua Satan wo nkyereasee pii: Satan nye nyia okasa tsia Nyankopon Odomfo no Ne mbransem, ono a odze ahamtan hen obi onye etuatsew na odze ohaw ba; na otow ko dem akwan yi ho. Ohyew wo pesemankonya ogya mu na odze hu hye akoma mu. Ne sin ara nye de tsie biribiara a oye ehsan na dza Nyankopon ahye de yenyema Nyankopon No ntoboa na nyimpa no ntoboa nyina, yeetua.

De mbre Nyankopon ka no, Satan ye odasanyi ne tamfo a oda edzi. Se nyimpa anye Nyankopon N'akowaa na oanye ehsan ndzemba a, wobeyi etuhoakye a wowa ma Odomfo Nyankopon no akwa ma wato Satan ne sere do. Odze atofosem, ahamtan, atuatsese behye hon mu na Oama woenya pe de wobehaw nkorofu, dze hu behye hon akoma mu na Oama wohyew wo pesemankonya ogya no mu. Nkomhyenyi Krankron (NNN) kaa de se ekrantse Kuran etsir ebien no a odzi ewie no a, Surah Al-Falaqna Surah Al-Nas mpen ebiasa ansaana ako mpa mu a na isi nkitse de beyi mbonsam adwen na bon tokyen a mpaabo yi botwitwa agye wo. Owu de yehwehwe bambu fi Nyankopon ho wo mpaabo mu na yehwehwe Ne mbransem no so na yebu mbodzen de yebeyi Satan akwa.

Anohoba Mesia (ANN) no kaa de: Aber biara Satan rohwe kwan de obema nyimpa ayew na Dama ne ndzeyee ase. Demara so na oye ne pe de oma nyimpa yew wo ndzepa ho na odua kwan bi do dze basabasaye ba. Oye ne pe de odze nyimpa a oye Imamat kehen bon mu. Onnyi de yesuro de obotu ahye hen do osiande tu a obotu ahye tsirmuodzenfo na bonyefo no da edzi, ampaara woye agodzipa ma no, mbom onntow mmfom de obotu ahye apapafo so do. Odua akwan horow do nya kwan tu hye hon do. Nkorofa a wohye Allah Osorsornyi N'adom ase no na wonyim akwan nketsenketse a oye abonsam n'akwan no, ye asor sere Allah Osorsornyi no ama Woeyi no akwa. Mbom hon a woda ho ara nnya esuahun no eso woye mberew no otofabi a wokoo ohaw no mu. Kuw bi wo ho a wope de woyi nyaatwom na ahantan ntsi odze ne ndzepa suma na oda ne bonye edzi. Wodwen de wobotum eyi Satan ne ntuhedo no akwa wo dem kwan yi do. Mbom m'adwwen mu dze muhu de hon so wonnam kwanpa no do na wowo ndzeyee kor no wo hon akoma mu. Se wonnyi kor no wo hon akoma mu a, wonkotum dze ako nyee mu. Odasanyi nya Odomankoma ho nyimdzee na mbre osi nye binom ye ber a n'akoma mu da ho wo no mu biara ho na dem na Nyankopon N'akomhyefo (Nyankopon N'asomdwee ndwir hon nyinara hon do) no tse anaade woye kuw nwansanwansa a hon akoma mu no bon fii mu koraa.

Onnyi de yedwen iyi ho de Nyankopon N'akomhyefo na wobotum eenya dem gyinabew yi. Anohoba Mesia (ANN) noara aka de owo de yena gyinabew a okron na yebeye etuhoakye ama Wali. Wodze nyia oye fasusu nwansanwansa a ofa no Nkomhyenyi Kronkron (NNN) ama hen de yebedzi n'ekyir. Ohia de yebekenyan henho papaapa de yebeyi abonsam ntuhedu no akwa, Woesi no pi wo Kuran Kronkron mu de: "Na se nsusui bon fi Satan ho de obotwetwe wo efi kwanpa noho a ono hwehwe guandobe a wo Allah Ne nkyen" [\(7:201\)](#) owo de yeka dem mpaabo yi, mobo hwehwe sumabew wo Allah Ne nkyen efi Satan no a wopaa no ho, wamma yenka dem mpaabo yi, La hawla walaa quwwata illabilla (Tum biara nnyi ho a abotum eyi bon akwa gyede onam Allah do) Nyankopon ma hen enyiadado de se yedze dza yerohwehwe no bo mpa a wo nokwar mu a, Nyankopon, nokwar mu ara tsie hen. Hazrat Khalifatul Masih kaa de ope de yetse ase pefee de Satan noara hyeew wo mu na wopamm no de opoww de obeye setsie ama Adam na osuaa de obehyew adasamba wo mu. Pesemanbonya ogya no na odze ahohiahia ba wo kuw mu. Ahmadiyyanyi biara wode oyi iyi akwa na ototo sere Nyankopon wo akypa mu.

Satan ne ntuhedo gu mu ebien; kor nye de yenye Nyankopon ntamu betsetsew na ma otoa do no so nye de nyimpa na nyimpa ntam betsetsew. Mbom mbre otse nye de dza ehsan ka no ma yedo Nyankopon eso oma nyimpa do nyimpa, onam Nyankopon ntsi. Hen kasapon: "Yedo Obiara Yenntan Obiara" ma anana hon enyi gye na wobo dzin wo beebiara a yehyia biara. Nyankopon hye Muslimfo de... "wonna tsimbobor mma honho honho" [\(48:30\)](#). Hazrat Khalifatul Masih kaa de oaka no mpen pii de dem na okyere gyedzinyi nokwarfo dza ofa no hen kasapon yi ho no na yeka de hen kuw yi no korye nwanwaso, mbom dza obekyere papaapa nye yebeye ayamuyie ama henho nkorkor wo hen ebusua mu onye beebiara a hen Jama'at wo, Nyankopon ka de "...bu hom enyi gu do na wopepa fi ho na wodze bon no kye koraa..." [\(64:15\)](#).

Me nsem ara nye de mbranssem pii noara wo ho a otwe hen ben Nyankopon naaso obonsam (satan) twitwa hen akwan mu na odze basabasaye boto hen kasa na hen ndzeyee mu. Nando twe hen fi Nyankopon Ne mbranssem ho, mma ndwen de satan boko do ara aye dem ara ber Nyame asinde wofre kwan a odze beye dem na ogyegye adasamba na waba de nyimpa kakrabaabi na wobeye Nyame Ne nkowaa na Satan n'ekyirdzifo no doso wo hen aber do yi. Ndzemba pii wo ho a otwe Nyankopon N'ebufuwwhyew se yeye no wo kwan pa do a onnye bon na se yeannye no yie a odze ehuhudze ba. Mbom so dem ndzemba noara so botum dze papaye aba. De mbre adaka mu mfonyin (TV) botum dze papa onye bon nyinara abre hen, mber yi ara mu no Ahmadiyya kuw no nam adakamu mfonyin (TV) do reye ndzemba pii noara. Huzoor kaa de watwe adwen egyina do de yembo mbodzen nhwe MTA efir no. wo ber a nna wo Australiaman mu no nkorfo dzii yaw de wanntum annhwe MTA efir no osiande wowe no ndafua beye du no a oma wonya nyimdzee pii. Huzoor kaa de osan si do bio de, ebusafo nhwe de wobenya nyimdzii efi no ho mfaso, oye kwan a Nyankopon dze ama hen de yefa do a yebanya mpontu wo hen nyimdzii na sumsum mu. Jamaat see America sika mpempem wo dwumadzi yi ho; dem ntsi se obi ennya ho mfaso a na wahwer adze pii noara ananaben pii noara na worennya mfaso pii fi MTA dwumadzi no ho a wnam do ruhu Islam ne nokwar nye ne nkyerekyere mu yie. Dem ntsi Ahmadiyyafo a wo Australia man na amanaman a waka nyinara mu no nhwe de wobenya mfaso efi MTA ho. Ne mu mfaso kese kor nye de, oka Jama'at nyinara bomu dze hen ko Khilafat nhyehye ho.

Nyankopon ama nyimpa nyimdzii, na nyimpa dze ne nyimdzii aye ndzemba a obema no ahot. Nyankopon aka de, "Ampaara de yeaye dza wo asaase yi do nyinara afewfewdze ama hom" (18:8) ama yedze aso hom ahwe de hom mu ahen na woye ndwuma pa, birbiara mu botae wada no edzi de se yedze dzi dwuma wo ne kwan do wo Nyankopon Ne Enyigye mu a birbiara a wammfa ne kwan pa enndzi dwuma de mbre ofato no na oye nsowe de mbre m'edzikan akyere no. Yewo Kuran mbranssem pii noara a yeronntum nkyerekyere ne nyinara mu ber yi ara mu, naaso asem kor a Huzoor pee de obekasa afa ho a woedzi kan akasa afa ho nye dza woka no de "Na woana na oka nsempa kyen obi a ofre adasamba ko Nyankopon nkyen na oye ndzepa na oka de "Ampaara meka hon a woye ahobrasefo noho"(41:34).

Dza medzii kan kenkanee no ka de dza oyie nye dz a Nyankopon aka, kasapow yi ka ndzepa ahorow nyinaa bomu na dza obi reka nyamesem, nokwar nye de mma obi nnka dza onnye nkyere obi fofor, iyi kyere de wo de nyimpa no ma n'adwen ko dza oreye do na owe de dodow ahen na otum ye wo dza oka kyere nkorfo no.

De mbre m'edzikan aka no, mma obi nnka asem nkyere obi wo ber a onara nnye dem adze no, oye bon kese, m'edzi kan aka de hon a wofre nkorfo ba Nyankopon nkyen no wo de hen nsem na hen ndzeyee nyinara ye papa na hen dwumadzi nyinara ye de mbre Nyankopon enyi gye ho. Iyi nye Islamsom ne nkyerekyere pa de odzi befre adasamba ako Nyankopon nkyen osiande papaye biara nnyi ho a obor iyi do, dem na wo de nyimpa noara so no suban ye papa a Nyankopon n'enyi gye ho na otum sakyir adasamba hon bra. Wo mu de onkenya ahotsewee naaso mfatoho tse de bonfakye ye subanpa a wo de yefa naaso se

yedze obi a ɔtaa dzi ewu no bɔn kye no ber nyinara a ɔnnya papa. De mbre yebɔbɔ adasamba ho ban ntsi ɔwɔ de wɔtwe n'aso, Nyankopɔn aka de papa biara nkyen de befre nkorɔfo aba Nyankopɔn nkyen na obi a ɔfre nkorɔfo ba Nyankopɔn nkyen no nkae de ɔfre keka no nnye hwee; hɔn ndzeyee so wɔde odzi mu mapa, onnyi de wɔdze nsem no repetse no ye hɔn asodzi keke, naaso wɔnnhwe hɔn yernom nye hɔn mba, se obi begye Islamsom to mu wɔ nyimpa a onnyim atarhye yie ne bo a ɔsom a Islam kamfo ma mbasiaafo a na se nyimpa no beye Muslimnyi ɔbaa a ɔno bohu no de nyimpa no nndzi Kuran ne nkyerekyere do de mbre ɔfata, demara so na sinto ahorow bi wɔhɔ tseɔde atorsem, anokumdzi nye dza ɔkeka ho, iyinom nnkema nyimpa bɔnfakye osiande nyimpa no ka Nyamesem ara keke. Nyankopɔn aka de obiara a ɔka nsempa no so nye ndzeyeeɔpa na ɔnye setsie. Huzoor nam iyi do dze tuu Australiaman mu kuwmba fo de iyi hia ma de ankorankor biara bɔbɔ bra de mbre Nyankopɔn Ne mbransem no kyere no pɛpɛɛɛ wɔ nokwardzi na setsie mu. Australiaman no mu mba beye 23,000,000 na ɔman n'asaase so ara yie naaso no amamba ndɔɔso dem na hɔn nkurownkurow so wɔwɔ ekyirekyir a no mu twetwe yie de mbre me kaa wɔ Jalsa ase no. Australia asɔrsmba no wɔde wɔma hɔn enyi kɔ Nyamesen ka do yie. Osiande Nyankopɔn pɛ nkorɔfo a wɔfre adasamba kɔ Ne nkyen na dem dwumadzi yi fata de nyimpa no bɔbɔ bra de mbre Nyankopɔn Ne nkyerekyere tse no pɛpɛɛɛ a nokwardzi na setsie ka ho.

Hɛn asodzi ara nye de yebɔbɔ nsem noho dawur na no nsunsuando no dze ɔye Nyankopɔn n'edwuma se ɔya Nyankopɔn ne pɛ a ɔbɔsow aba pa, se yedze edwumadzen tae asɔrye ekyir a nna ɔmmba no de obi beka de ɔnntsee Ahmadiyya nka wɔ ha. Huzoor nyaa kwan hwɛ Australia Eid asɔrye a woyii no wɔ MTA efir no da na Owura Saifullah a ɔye naib Ameer kaa too gua de afe 1989 na Hazrat Khalifatul Masih IV ɔyee Juma asɔr na Eid asɔr wɔ asɔrdan yi mu na dem aber no na yedwen de asɔrdan no ye kese dodow osiande na dom a wɔwɔ mu no mbor nyimpa 250. Se ɔhwe no nsusue a hɔn dodow beye 2500 na wɔwɔ ha siesiara. Huzoor kaa de no mbuae nye ndaase a ɔdze bema Nyankopɔn de wɔama dom no dodow no adɔɔso, naaso ekyir no ber a odween asem no ho no ɔhaw no kakra ara yie de se ɔhwe de beye mfe 24 a wɔabesen kɔr no mu a dom dodow ye Fijifo a w'aba asɔr no mu no na Pakistanfo a wɔatu amantu aba Australiaman no mu mbom ɔnnye Jama'at no mbɔdzenbɔ na ɔdze dom fofor aba asɔr no mu. Huzoor kaa de ɔwɔ de yehye no nsew de iyi ye asemhia kese se iyi amamba wɔfre hɔnho Australiafo no fi hɔ a aman fofor do nyimpa binom so wɔ hɔ binom ye Arabfo nye amanaman binom so do mba. ɔwɔ de hom ye Nyamesemka no ntotoe a hom dze beka nsempa no akyere nyimpa no nyinara. Huzoor kaa de woehu de Australiafo no tsie asem wɔ abotar mu na wɔpɛ mpenseempensem mu, se hom ye nhyehyee dze nsem no dur non dɔ a nyimpa ahobrasefo a wɔwɔ no mu no begye nsem no ato mu na wɔabegye som no ato mu. Ohia de hom dze Islam n'asmdwee dawurbɔno bodur ɔman no afa beebiara. Huzoor hyiaa Ahmadiyyafo afoforfo bi wɔ Melborne, naaso dom dodow noara no nna wonnyim Ahmadiyyasom no ho hwee demara so na wonnyim Islamsom no dawurbɔ biara, wonyim de Ahmadiyyafo a wɔwɔ ɔman no mu wɔ subanpa naaso wonnyi Islamsom no ho nyimdzii biara.

Onua bi nyaa abasobodze wɔ Jalsa no ase de woetum akyekye dawurbɔ nkrataa 20,000 wɔ hɔ ne honamdua mu sinto nyinara ekyir wɔka de wɔka de Ahmadiyyafo a wɔwɔ Australia

no do hɔn dodow beye 4000. Huzoor n'adwen ye no de hɔn dodow bɔbor dem mpo se dɔm dodow 5000 kyekye dawurbɔ krataa no a wɔbotum akyekye ama dɔm dodow beye 10,000,000 ma wɔabor do.

Iyi beye Ausrailia amamba no faara nsa beka Islam asomdwee dawurbɔ ho nsem wɔ afe kor mu. Se dawurbɔ nhyehyee fofor no botum edzi ekyir; bio se hom dɔm dodow no mu nkyemu du mpo suoo edwuma yi mu a nkye dawurbɔ krataa asemufo no a begye edwuma no atoa do aye, iyi binom esisi wɔ aman bi do, se ɔman tse de USA Ahmadiyyafo no nye dawurbɔ nkrataa dwumayefo no wɔ nkitahodzipa a, ɔno ɔwɔ de Austrailiafo so tum dua kwan yi do bɔ Islamsom ho dawur, nyimpa no pii no wɔ hɔ a edwumaye mu no, wɔakɔ ahomgye mu, wɔbotum dze hɔn mber akyekye dawurbɔ nkrataa no bi na wɔdze hen asɔr nwoma amema nkrofo. Ɔwɔ mu de annyɛ a hom nnkotum afa nkrataa ne tsimtsim no ho kaw nyinara naaso se krataafa kor biara ye mpesewa enum mpo a ɔno hom botum dze beye 500,000 etsimtsim.

Nkrataa 10,000,000 (ɔpepe du) hɔmɔtum etsimtsim krataa no mpemmpem. Edwuma pii wɔ hɔ a ɔwɔ de hom ye, hom nam dawurbɔ do aye edwuma a obenya pii noara, Austrailia Jama'at no taa twe mbogya ma asopitisifo, hom mfa iyi so do mbɔ Islam ho dawur na ɔbɛbue akwan fofor ama hom. Dza ohia kese nye de Nyankopɔn aka de hom nye ndzeyɛpa na hom nye atseneneefo. Hom nya gyedzi a osi pi na hom nye asɔr. Mesre de Nyankopɔn mboa hen ma yenka hɔn a wɔye edwumapa na wɔye atseneneefo nye setsiefo na wɔye dza Nyankopɔn enyi gye ho no ho. Nyankopɔn mma hen hen edwumapa ho akatua na Ɔma hen dɔm no ndɔɔso tsitsir wɔnfi amanbafo no mu.

Huzuur dze too gua de Fida asɔrye no ekyir no Ɔbeyɛ efunsie asɔr ama onuabaa Sahizada Amatul Mateen a ɔye Khalifa a ɔtɔdo ebien ne ba basia na ɔye Mir Mahmood Ahmad Nasir ne yer. Ofii mu wɔ October 14 wɔ Rabwa, wɔ siee no wɔ Eid da no. wɔ woo no afe December 1936 wɔ Qadian na Hazrat Muslih Maud bɔɔ mpae bi maa no, na ɔye Hazrat Sadeeqa ne ba basia kor pɛ, na Hazrat Dr. Muhammad Ismail Sahib ye ne nana benyin. Hazrat Musleh Maud twerɛ awensem pii faa ne ba baa yi ho a ɔwɔ kalame – Mahmood nwoma no mu. Huzoor kaa de, wo ehu de Hazrat Musleh Maud ne mba mbasiafo no ben Nyankopɔn yie na wɔye hɔn asɔr wɔ nokwar mu. Na de no kun no ye sofo a wɔasom wɔ Spain nye Americaman mu no onyaa kwan somee de sofo ne yer ber a wosii Masjid Basharat wɔ Spain no nna wɔwɔ hɔ, na wɔyɛ edwuma dzen wɔ aber a wɔre bue asɔr dan n'ano no.

Hzrat Khalifatul Masih IV ka dem abere no se wotum de ahanara kye 3.00 am mpo a wonya ber kakra dze da ne Nyankopɔn ne adomana ntsi dwumadzi no ye nkonyimdzi kese, Sahibzada Amatul Mateen ye ne fie edwuma nyinara wɔ aber a wo embisa obiara ne mboa. Ɔsom Lajna kuw no wɔ gyanabew ahorow pii mu na ɔnye Khalifatul Masih wɔ twaka a no mu ye dzen. Na ɔye Auntie ma Hazrat Khalifatul Masih ne so na ɔwɔ ɔdɔ no obu kese dze ma Huzoor, Ɔkaa kyere obi de, fer ntsi ɔnntum nye Huzoor nnkasa gan ara bi na ɔnntse apow naaso. Ɔbaa UK jalsa no ase bi na ɔnye Huzur dzi ehyia ogyae mbanyimba anan na basia kor. ne mba ebien ye nkorofɔ a woetu hɔnho ama som yi, kor nye Dr. Ghulam Ahmad Ahmad Faruk a okita PHD abodzin wɔ computer science mu wɔ USA na siesie ara ɔye edwuma wɔ sadr Anjuman Ahmadiyya Rabwah, ne nua kor a ɔka no ho no so aye ne

edwuma wɔ USA baa London nye Huzoor beyee edwuma na ɔnye Huzoor wɔ ne nsra hwe mu no na nda kakra baa bi yi na ɔkɔr Rabwa de ɔre kɔ kra ne maame enuakor ebien ne nyinara ye edwumadzen wɔ nokwar mu. Nyankopɔn ma hɔn ahoodzen ma wɔnkɔ do nye edwuma na Ɔmma hɔn yi a woefi mu no tsenabew pa. Na Nyankopɔn mboa hɔn na wontsim wɔ Khilafat mu. Mir Mahmood noho beye no mbɔbɔr. Nyankopɔn mma no asomdwee na ahotɔ na Onyi no mfi ɔhaw mu. Nyankopɔn mma owufo no tsenabew pa wɔ ne wu ekyir.

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us